

Na osnovu člana 36., 69. i 96. Pravila J.U. Druge gimnazije Mostar, Školski odbor J.U. Druge gimnazije Mostar na sjednici održanoj dana 23.02.2021. godine donosi

PRAVILNIK O IZBORU UČENIKA GENERACIJE

I OPĆE ODREDBE

Član 1.

Ovim Pravilnikom o utvrđivanju Kriterija i načinu izbora učenika generacije u Drugoj gimnaziji "Mostar" (u daljem tekstu: Pravilnik) propisuje se način izbora učenika generacije završnih razreda škole.

Član 2.

Na kraju školovanja škola proglašava jednog «Učenika generacije» iz reda učenika završnog razreda. Učenicom generacije može postati onaj učenik koji ispunjava sljedeće uvjete:

1. da je u toku školovanja imao odličan uspjeh u svim razredima (minimalan prosjek općeg uspjeha u svakom razredu 4,5);
2. da je u toku školovanja imao primjerno vladanje u svim razredima srednje škole;
3. da je u toku školovanja imao zapažene rezultate u slobodnim aktivnostima, sekcijama, takmičenjima, konkursima, smotrama stvaralaštva i drugim vannastavnim aktivnostima;
4. da je učenik škole u kojoj je kandidat za Učenika generacije najmanje tri (3) posljednje godine školovanja;
5. da je podnio popunjeni obrazac prijave za učenika generacije.

U školi može biti izabran samo jedan učenik generacije.

Ukoliko je kandidat za Učenika generacije neki od razreda završio u inostranstvu i nema izvedenu ocjenu opšteg uspjeha onda se umjesto prosječne ocjene uspjeha u tom razredu uzima prosječna ocjena izvedena za sve razrede u kojima je moguće izvesti prosječnu ocjenu općeg uspjeha zaokruženu na dvije decimale.

Član 3.

Elementi za vrednovanje

Prilikom vrednovanja za izbor učenika generacije vrednuju se:

- a) uspjeh u učenju u toku srednjeg školovanja;
- b) učešće i doprinosi u radu registrovanih sekcija škole;
- c) učešće u radu rukovodstva Odjeljske zajednice;
- d) učešće u radu Vijeća učenika škole;
- e) učestvovanje i uspjeh na takmičenjima u znanju iz pojedinih predmeta;
- f) učestvovanje i uspjeh na takmičenjima likovnog, dramskog, literarnog stvaralaštva, sportskim takmičenjima, izložbama, konkursima, kvizovima, smotrama i sličnim manifestacijama.

Član 4.

Pravo da bude izabran ima svaki učenik završnog razreda srednje škole koji ispunjava uslove iz člana 2. i 3. ovog Pravilnika, prijavljivanjem na oglas kojeg raspisuje Nastavničko vijeće škole, najkasnije do **20. aprila** tekuće školske godine.

Oglas se objavljuje na oglasnoj tabli i traje sedam dana.

II NAČIN VREDNOVANJA AKTIVNOSTI

Član 5.

a) Uspjeh u učenju u toku srednjeg školovanja

a1) Uspjeh u učenju se boduje tako da se zbir prosječnih ocjena uspjeha (zaokružena na dvije decimale) svakog razreda množi sa koeficijentom 5.

a2) Učeniku koji je u svakom razredu na kraju školske godine iz svih nastavnih predmeta imao zaključenu ocjenu odličan (5) dodatno se dodjeljuju 4 boda.

b) Učešće i doprinosi u radu registrovanih sekcija, klubova i dodatne nastave škole

Učešće i doprinosi u radu registrovanih sekcija, klubova i dodatne nastave u školi boduju se na način da se učenik za svaku godinu rada u navedenim aktivnostima škole na osnovu vođene evidencije boduje s 1 (jednim) bodom, a mogu se bodovati maksimalno četiri sekcije po razredu (maksimalno 16 bodova)

c) Učešće u radu rukovodstva odjeljske zajednice

- za svaku godinu rukovođenja odjeljskom zajednicom (predsjednik/ca odjeljenja) učeniku pripada 1 bod,
- za člana u rukovodstvu odjeljske zajednice (zamjenik predsjednika, blagajnik) za svaku godinu učeniku pripada po 0,5 bodova.

Bodovi se mogu dobiti samo po jednom osnovu.

d) Za aktivno učešće u radu Vijeća učenika

- za predsjednika/cu Vijeća učenika škole po 3 boda,
- za člana i rad u Vijeću učenika škole (za svaku godinu rada) po 1 bod.

Bodovi se mogu dobiti samo po jednom osnovu ili za predsjednika/cu ili za člana Vijeća učenika škole.

e) Učestvovanje i uspjeh na takmičenjima u znanju iz pojedinih predmeta

e1) Za uspjeh na školskim takmičenjima u znanju iz pojedinih predmeta, učenik-kandidat za učenika generacije može dobiti sljedeći broj bodova:

Nivo takmičenja	B r o j b o d o v a		
	I mjesto	II mjesto	III mjesto
Školsko takmičenje	4	3	2

Ukoliko se održava samo ekipno takmičenje u znanju, kandidatu koji je bio član ekipe pripada broj bodova koji se dobije dijeljenjem bodova predviđenih za pojedinačni plasman sa brojem članova ekipe.

Ukoliko je takmičenje i ekipnog i pojedinačnog karaktera boduje se samo po jednom osnovu, povoljnijem za učenika (npr. na takmičenju iz historije ekipa osvojila treće mjesto a učenik - kandidat za učenika generacije, proglašen i najuspješnijim među takmičarima).

e2) Za učestvovanje i osvojeno mjesto na općinskom, kantonalnom, federalnom, državnom i međunarodnom takmičenju u znanju iz pojedinih predmeta, učenik-kandidat za učenika generacije može dobiti sljedeći broj bodova:

Nivo takmičenja	B r o j b o d o v a			
	I mjesto	II mjesto	III mjesto	Učešće
Općinsko takmičenje (na nivou grada)	5	4	3	1
Kantonalno takmičenje	6	5	4	2
Federalno takmičenje	7	6	5	3
Državno takmičenje	8	7	6	4
Međunarodno takmičenje	9	8	7	5

Ukoliko se održava samo ekipno takmičenje u znanju, kandidatu koji je bio član ekipe pripada broj bodova koji se dobije dijeljenjem bodova predviđenih za pojedinačni plasman sa brojem članova ekipe.

Ukoliko je takmičenje i ekipnog i pojedinačnog karaktera boduje se samo po jednom osnovu, povoljnijem za učenika (npr. na takmičenju iz historije ekipa osvojila treće mjesto a učenik , kandidat za učenika generacije proglaš i najuspješnijim među takmičarima).

Bodovi se mogu dobiti samo po jednom osnovu ili za plasman ili za učešće.

Učenik koji je učestvovao na takmičenjima uz kotizaciju neće biti bodovan za samo učešće, bez postignutog uspjeha (jedno od prva tri mjesta).

f) Učestvovanje i uspjeh na takmičenjima likovnog, dramskog, literarnog stvaralaštva, sportskim takmičenjima, izložbama, konkursima, kvizovima, smotrama i sličnim manifestacijama.

f 1) Za uspjeh na školskim takmičenjima likovnog, dramskog, literarnog i drugog stvaralaštva, sportskim takmičenjima, izložbama, konkursima, kvizovima, smotrama i sličnim manifestacijama učenik-kandidat za učenika generacije može dobiti sljedeći broj bodova:

Nivo takmičenja	B r o j b o d o v a		
	I mjesto	II mjesto	III mjesto
Školsko takmičenje	4	3	2

Ukoliko se održava samo ekipno takmičenje u znanju, kandidatu koji je bio član ekipe pripada broj bodova koji se dobije dijeljenjem bodova predviđenih za pojedinačni plasman sa brojem članova ekipe.

Ukoliko je takmičenje i ekipnog i pojedinačnog karaktera boduje se samo po jednom osnovu, povoljnijem za učenika (npr. na takmičenju iz historije ekipa osvojila treće mjesto a učenik - kandidat za učenika generacije proglašen i najuspješnijim među takmičarima).

f 2) Za učestvovanje i osvojeno mjesto na općinskom, kantonalnom, federalnom, državnom i međunarodnom takmičenju likovnog, dramskog, literarnog i drugog stvaralaštva, sportskim takmičenjima, izložbama, konkursima, kvizovima, smotrama i sličnim manifestacijama na kojima je učenik-kandidat za učenika generacije , učestvovao kao predstavnik škole, može dobiti sljedeći broj bodova:

Nivo takmičenja	B r o j b o d o v a			
	I mjesto	II mjesto	III mjesto	Učešće
Općinsko takmičenje (na nivou grada)	5	4	3	1
Kantonalno takmičenje	6	5	4	2
Federalno takmičenje	7	6	5	3
Državno takmičenje	8	7	6	4
Međunarodno takmičenje	9	8	7	5

Ukoliko se održava samo ekipno takmičenje kandidatu koji je bio član ekipe pripada broj bodova koji se dobije dijeljenjem bodova predviđenih za pojedinačni plasman sa brojem članova ekipe.

Ukoliko je takmičenje i ekipnog i pojedinačnog karaktera boduje se samo po jednom osnovu povoljnijem za učenika (npr. na takmičenju u šahu ekipa osvojila treće mjesto a učenik , kandidat za učenika generacij, proglašen i najuspješnijim među takmičarima).

Bodovi se mogu dobiti samo po jednom osnovu ili za plasman ili za učešće

Učenik koji je učestvovao na takmičenjima uz kotizaciju neće biti bodovan za samo učešće, bez postignutog uspjeha (jedno od prva tri mjesta).

III POSTUPAK IZBORA UČENIKA GENERACIJE

Član 6.

Pregled prispjele dokumentacije za učenika generacije , bodovanje i sumiranje rezultata u školi vrši Komisija za izbor učenika generacije (u daljem tekstu: Komisija). Komisiju iz prethodnog stavka imenuje Nastavničko vijeće škole.

Član 7.

Komisiju za izbor učenika generacije sačinjavaju 4 člana : pedagog škole koji je ujedno i predsjednik komisije, dva profesora koje imenuje Nastavničko vijeće a koji nisu odjeljene starješine završnih razreda i sekretar škole.

Član 8.

Nakon uvida i provjere navedenih podataka u prispjeloj dokumentaciji Komisija pristupa bodovanju.

Bodovanje kandidata za učenika generacije vrši se na temelju dokumenata iz pedagoške dokumentacije i evidencije škole (zapisnici NV, ljetopis škole, teke o evidenciji rada sekcija škole, Vijeća učenika, dodatne nastave, razredne knjige, knjige oglasa, potvrde, diploma, pismene izjave nastavnika), diploma/svjedodžbi i zvaničnih izvješća organizatora takmičenja (od općinskih do međunarodnih) koje dostavlja sam učenik sekretaru škole.

Na temelju broja bodova, Komisija sastavlja rang listu i oglašava je.

Član 9.

Ukoliko dva ili više učenika imaju jednak broj bodova, prednost ima učenik koji ima više bodova za uspjeh u učenju. Ukoliko i po ovom osnovu dva ili više učenika imaju jednak broj bodova, prednost ima onaj učenik koji ima veći broj bodova za uspjeh na takmičenjima u znanju. Ukoliko i po ovom osnovu dva ili više učenika imaju jednak broj bodova, prednost ima onaj učenik koji ima veći broj bodova po osnovu uspjeha na takmičenjima likovnog, dramskog, literarnog i drugog stvaralaštva, sportskim takmičenjima, izložbama, konkursima, kvizovima, smotrama i sličnim manifestacijama. Ukoliko i po ovom osnovu dva ili više učenika imaju jednak broj bodova, prednost ima onaj učenik koji od strane Nastavničkog vijeća dobije veći broj glasova.

Član 10.

Komisija o svom radu vodi zapisnik i dostavlja ga Nastavničkom vijeću.

Član 11.

Nastavničko vijeće srednje škole razmatra prijedlog Komisije i eventualne primjedbe odjeljenjskih zajednica ili kandidata za učenika generacije i donosi odluku o izboru učenika generacije.

Član 12.

Ukoliko učenik-kandidat za učenika generacije nije zadovoljan odlukom Nastavničkog vijeća može podnijeti prigovor ili žalbu Školskom odboru u roku od tri dana od dana donošenja odluke.

Školski odbor je dužan donijeti odluku po žalbi u roku od sedam dana od dana podnošenja žalbe.

Odluka Školskog odbora je konačna.

Član 13.

Proglašenje učenika generacije mora se okončati najkasnije do 15.6. tekuće godine.

Član 14.

Učenik generacije se proglašava javno.

Član 15.

Učeniku generacije se dodjeljuje posebna diploma Učenik generacije koja je sastavni dio ovog Pravilnika.

Član 16.

Škola je dužna dostaviti odluku o proglašenju Učenika generacije Ministarstvu obrazovanja, nauke, kulture i sporta HNK-a.

Općine ili drugi zainteresovani subjekti mogu da za Učenike generacije organizuju odgovarajuće manifestacije i osiguraju sredstva za nagrade.

Centralnu manifestaciju organizuje Ministarstvo obrazovanja, nauke, kulture i sporta HNK-a.

I V PRELAZNE ODREDBE

Član 17.

Stupanjem na snagu ovog Pravilnika prestaju da važi Pravilnik o izboru učenika generacije u Drugoj gimnaziji Mostar od 18.02.2016. godine .

Član 18.

Ovaj Pravilnik stupa na snagu danom donošenja

Član 19.

Izmjene i dopune ovog Pravilnika donose se na način i po postupku po kojem je donijet.

Broj: 08-05-34-80-1/21

Mostar, 23.02.2021. godine

Predsjednik Školskog odbora :

Nusret Gosto, dipl. iur.